

## ROBERTS, RICHARD (GWYLFA) (1871 - 1935), gweinidog gyda'r Annibynwyr, a bardd

**Enw:** Richard Roberts  
**Ffugenw:** Gwylfa  
**Dyddiad geni:** 1871  
**Dyddiad marw:** 1935  
**Rhiant:** Ellen Roberts  
**Rhiant:** Richard Roberts  
**Rhyw:** Gwryw  
**Galwedigaeth:** gweinidog gyda'r Annibynwyr, a bardd  
**Maes gweithgaredd:** Crefydd; Eisteddfod; Llenyddiaeth ac Ysgrifennu; Barddoniaeth  
**Awdur:** Robert Thomas Jenkins

Ganwyd 24 Mai (yn ôl y cofnod, ganddo ef ei hun mae'n debyg, yn *Who's Who in Wales*; dywed rhai ysgrifau coffa mai 22 Mai) 1871 ym Mhenmaenmawr, yn fab i Richard ac Ellen Roberts. Bu yn ysgol Botwnnog ac yng Ngholeg Bala-Bangor (1892). Aeth yn fugail i'r Felinheli yn 1895; o 1898 hyd ei farwolaeth, bu'n fugail y Tabernacl yn Llanelli. Yr oedd yn bregethwr poblogaidd, ac yn llenor prysur; sgrifennodd lawer i'r cyfnodolion; bu'n olygydd *Y Diwygiwr* (1906) yn un o olygyddion *Y Dysgedydd* (1912-4), ac yn unig olygydd iddo (1931-3). Golygodd waith **Rhys J. Huws** yn 1932; a chyhoeddodd yn 1912 ddwy gyfrol o'i ysgrifau. Yr oedd yn bryddestwr llwyddiannus; cafodd goron yr eisteddfod genedlaethol ddwywaith (Ffestiniog 1898, a Chaerdydd, 1899), ac yr oedd yn ail orau yn Abertawe, 1907. Cyhoeddodd yn 1898 gyfrol o farddoniaeth, *Y Drain Gwynion*. Yr oedd yn gofiadur Gorsedd y Beirdd ar adeg ei farw Bu farw 8 Gorffennaf 1935, ym Mhenmaenmawr; claddwyd yn Llanelli.

### Awdur

**Yr Athro Emeritus Robert Thomas Jenkins**, (1881 - 1969)

### Ffynonellau

*Y Dysgedydd*, 1935

*Dyddiadur yr Annibynwyr*, 1936

ysgrifau coffa eraill

### Dolenni Ychwanegol

Wikidata: Q28361412

**Dyddiad cyhoeddi:** 1953

**Hawlfraint Erthygl:** <http://rightsstatements.org/page/InC/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n tudalen codi arian am ragor o wybodaeth.

frannu

Arddull APA

x

Jenkins, R. T., (1953). ROBERTS, RICHARD (GWYLFA) (1871 - 1935), gweinidog gyda'r Annibynwyr, a bardd. *Y Bywgraffiadur Cymreig*. Adferwyd 11 Tac 2024, o <https://bywgraffiadur.cymru/article/c-ROBE-RIC-1871>

Copy

Preifatrwydd a Chwcis  
Hawlfraint  
Y Prosiect  
Cymorth  
Cysylltu

LGC  
NLW

LLYFRGEL  
THE NATION



Ysgrifeddiadau  
Llywodraeth Cymru  
Copied by  
Welsh Government